

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆ
ԱՐԵՎԵԼԱԳԻՏՈՒԹՅԱՆ ՖԱԿՈՒԼՏԵՏ

ԱՐԵՎԵԼԱԳԻՏՈՒԹՅԱՆ ՀԱՐՑԵՐ
ВОПРОСЫ ВОСТОКОВЕДЕНИЯ
JOURNAL OF ORIENTAL STUDIES

№ 22

ԵՐԵՎԱՆ
ԵՊՀ ՀՐԱՏԱՐԱԿԶՈՒԹՅՈՒՆ
2022

Հրատարակվում է Երևանի պետական համալսարանի
արևելագիտության ֆակուլտետի
գիտական խորհրդի որոշմամբ

Խմբագրական խորհուրդ՝

Մելքոնյան Ռուբեն պ.գ.դ., պրոֆեսոր (խմբագիր)

Մելիքյան Գուրգեն բ.գ.թ., պրոֆեսոր

Խառատյան Ալբերտ պ.գ.դ., պրոֆեսոր, ՀՀ ԳԱԱ թղթակից-անդամ

Սաֆրաստյան Ռուբեն պ.գ.դ., պրոֆեսոր, ՀՀ ԳԱԱ ակադեմիկոս

Հովհաննիսյան Լավրենտի բ.գ.դ., պրոֆեսոր, ՀՀ ԳԱԱ թղթ.-անդամ

Հովհաննիսյան Դավիթ բ.գ.թ., պրոֆեսոր

Սաֆարյան Ալեքսանդր պ.գ.թ., պրոֆեսոր

Ոսկանյան Վարդան բ.գ.թ., դոցենտ

Քոչարյան Հայկ պ.գ.թ., դոցենտ

Սարգսյան Լևոն պ.գ.դ., պրոֆեսոր

Կարապետյան Ռուբեն պ.գ.դ.

Տեր-Սաթևոսյան Վահրամ պ.գ.դ.

Գրեկյան Երվանդ պ.գ.դ.

Րեպենկովա Մարիա բ.գ.դ., պրոֆեսոր (Ռուսաստան)

Կուզնեցով Վասիլի պ.գ.թ., դոցենտ (Ռուսաստան)

Էքմեքչյան Լեոնա PhD (ԱՄՆ)

Իլյա Յակուբովիչ բ.գ.դ., պրոֆեսոր (Գերմանիա)

Ահմադջան Ղուրոնբեկով բ.գ.դ., պրոֆեսոր (Ուզբեկստան)

ԲՈՎԱՆԴԱԿՈՒԹՅՈՒՆ

Արաբագիտություն

Արաբ Փաշայան

ՍԱՌԻԴՅԱՆ ԱՐԱԲԻԱՆ ԵՎ «ԱՐԱԲԱԿԱՆ ԳԱՐՈՒՆԸ». ԵՐԿԱԿԻ ԶԱՓՈՐՈՇԻՉՆԵՐԻ ՔԱՂԱՔԱԿԱՆՈՒԹՅՈՒՆԸ.....7-21

Գոռ Գևորգյան

ԵԳԻՊՏՈՍԻ ԱՐԱԲԱԿԱՆ ՔԱՂԱՔԱԿԱՆՈՒԹՅԱՆ ՓՈԽԱԿԵՐՊՈՒՄՆԵՐԸ. ՀՆԱՐԱՎՈՐՈՒԹՅՈՒՆՆԵՐ ԵՎ ՄԱՐՏԱՀՐԱՎԵՐՆԵՐ (1981-2014 ԹԹ.).....22-34

Վահե Հակոբյան, Տաթևիկ Մկրտչյան, Հայկ Քոչարյան

ԹՎԻԹԵՐԻ ԱՐԱԲԱԼԵՉՈՒ ՏԻՐՈՒՅԹՈՒՄ 2020Թ. ԱՐՑԱԽՅԱՆ ՊԱՏԵՐԱՉՄԻ ԵՎ ԴՐԱՆ ՀԱՉՈՐԴԱԾ ԺԱՄԱՆԱԿԱՇՐՉԱՆԻ ՀԻՄՆԱԿԱՆ ԴԻՍԿՈՒՐՄՆԵՐԻ ՔՆՆԱՐԿՈՒՄ (2020-2021ԹԹ.).....35-49

Տաթևիկ Մկրտչյան

ԻՄԱՍ ԱԼԻԻ ՆԱՄԱԿԸ ՄԱԼԻՔ ԱԼ-ԱՇԹԱՐԻՆ՝ ՈՐՊԵՍ ԱՐԴԱՐ ԿԱՌԱՎԱՐՄԱՆ, ԿՐՈՆԱԿԱՆ ԲԱՐԵՊԱՇՏՈՒԹՅԱՆ ԵՎ ԱՍՏՎԱԾԱՎԱԽՈՒԹՅԱՆ ՅՈՒՐՕՐԻՆԱԿ ՄԻ ՆՍՈՒՇ.....50-61

Աննա Անտոնյան

ՏԱԲԱԿԱԹ ԺԱՆՐԻ ՉԵՎԱՎՈՐՈՒՄԸ 9-ՐԴ ԴԱՐԻ ԱՐԱԲԱՍՈՒՍՈՒԼՄԱՆԱԿԱՆ ԳՐԱՎՈՐ ՄՇԱԿՈՒՅԹՈՒՄ.....62-75

Սյարսուսկ Բաղդասարյան

2005 Թ.-Ի ԻՐԱԶՅԱՆ ՍԱՀՄԱՆԱԴՐՈՒԹՅԱՆ ԵՎ ԿԱՌԱՎԱՐՄԱՆ ՆՈՐ ՀԱՄԱԿԱՐԳԻ ՉԵՎԱՎՈՐՄԱՆ ՇՈՒՐԸ.....76-94

Թյուրքագիտություն

Լուսինե Խաչատրյան, Անուշիկ Մարտիրոսյան, Ալեքսանդր Մաֆարյան

ԹՈՒՐԻՔԵՐԵՆԻ ÜZERE ԵՎ DİYE ՀԵՏԱԴՐՈՒԹՅՈՒՆՆԵՐՈՎ ԿԱԶՄՎԱԾ ԲԱՌԱԿԱՊԱԿՑՈՒԹՅՈՒՆՆԵՐԻ ՈՒ ԴՐԱՆՑ ՀԱՅԵՐԵՆ ՀԱՄԱՐԺԵՔՆԵՐԻ ԴԱՍԱՎԱՆԴՄԱՆ ԱՌԱՆՁՆԱՀԱՏԿՈՒԹՅՈՒՆՆԵՐԻ ՇՈՒՐԸ.....95-109

Մամլեղ Ռանագրան

ՆՈՐԱՀԱՅՏ ՀԱՅԿԱԿԱՆ ԿԵՐՊԱՐՆԵՐ «ՔՅՈՈՕՂԼԻ»

ԷՊՈՍԻ ԹՈՒՐՔԱԿԱՆ ՏԱՐՔԵՐԱԿՆԵՐՈՒՄ.....110-116

Թանարա Աղանայրան

ՀԱՆՐԱՊԵՏԱԿԱՆ ԳՅՈՒՂԱՑԻԱԿԱՆ ԱԶԳԱՅԻՆ

ԿՈՒՄԱԿՑՈՒԹՅԱՆ ԳԱՂԱՓԱՐԱԿԱՆ

ՀԻՄՆԱԴՐՈՒՅԹՆԵՐԸ 1965-1969 ԹԹ.....117-131

Այբինա Մուրադյան

ԹՈՒՐՔԻԱՅՈՒՄ ԿՈՐՈՆԱՎԻՐՈՒՄԱՅԻՆ ՀԱՄԱՃԱՐԱԿԻ

ԸՆԹԱՑՔՈՒՄ ՀԱՍԱՐԱԿԱԿԱՆ ԸՆԿԱԼՈՒՄՆԵՐՆ ՈՒ

ԿՐՈՆԱԿԱՆ ԵՎ ԱՎԱՆԴԱԿԱՆ ՀԱՎԱՏԱԼԻՔՆԵՐԻ

ԴՐՍԵՎՈՐՈՒՄՆԵՐԸ.....132-152

Իրանագիտություն

Արփինե Առուշանյան

ՀՈԳՈՒ ՎԵՐԱՄԱՐՄՆԱՎՈՐՄԱՆ ԳԱՂԱՓԱՐԸ

ԾԱՅՐԱՀԵՂ ԾԻԱՅԱԿԱՆ ՀՈՍԱՆՔՆԵՐՈՒՄ.....153-167

Լիանա Պետրոսյան

ՄԱՐԴՈՒ ԻՐԱՎՈՒՆՔՆԵՐՆ ՈՒ ԽՈՍՔԻ ԱԶՏՈՒԹՅՈՒՆԸ ԻԻՀ-

ՈՒՄ Մ. ԱՀՄԱԴԻՆԵԺԱԴԻ ՆԱԽԱԳԱՀՈՒԹՅԱՆ ԾՐՋԱՆՈՒՄ

(2005-2013թ.թ.).....168-182

*Ժաննա Վարդանյան **

ԻՐԱՆԻ ԴԻՐՔՈՐՈՇՈՒՄԸ ԱՐՑԱԽՅԱՆ ԵՐՐՈՐԴ

ՊԱՏԵՐԱԶՄԻ ԸՆԹԱՑՔՈՒՄ ԵՎ ՀԵՏՈ.....183-195

Աշխեն Հովսեփյան

ՀԱՅ-ՀՆԴԿԱԿԱՆ ԱՌՆՉՈՒԹՅՈՒՆՆԵՐԸ.

ՊԱՏՄԱԿԱՆ ԱԿՆԱՐԿ.....196-204

ԳՐԱԽՈՍՈՒԹՅՈՒՆ

Արտյոմ Տոնոյան

ՀՈՎԻՏԱՆՆԵՍ ԽՈՐԻԿՅԱՆ, ԱՔԵՆԵՆՅԱՆ ՊԱՐԱԿԱՍՏԱՆԻ ՎԱՐՅԱԿԱՆ

ՔԱԺԱՆՈՒՄԸ, «Էդրոսադո» հրատ.,

Հայաստանի Հանրապետություն, Գյումրի, 2021, 456 էջ:.....205-211

CONTENT

Arabic Studies

Araks Pashayan

SAUDI ARABIA AND THE «ARAB SPRING». THE POLICY OF
DOUBLE STANDARDS.....7-21

Gor Gevorgyan

TRANSFORMATION OF EGYPT`S ARAB POLICY:
OPPORTUNITIES AND CHALLENGES (1981-2014) 22-34

Vahe Hakobyan, Tatevik Mkrtchyan, Hayk Kocharyan

DISCUSSION OF THE MAIN DISCOURSES OF THE 2020 44-DAY
ARTSAKH WAR AND THE SUBSEQUENT PERIOD IN
THE ARABIC-LANGUAGE TWITTER (2020-2021).....35-49

Tatev Mkrtchyan

IMAM ALI'S LETTER TO MALIK AL-ASHTAR AS A MODEL OF
JUST GOVERNANCE/RULERSHIP, RELIGIOUS
RIGHTEOUSNESS AND PIETY50-61

Anna Antonyan

THE FORMATION OF THE ṬABAQĀT GENRE IN THE
9TH CENTURY ARAB-MUSLIM WRITTEN CULTURE 62-75

Spartak Baghdasaryan

THE 2005 IRAQI CONSTITUTION AND THE FORMATION
OF A NEW SYSTEM OF GOVERNMENT..... 76-94

Turkic Studies

Lusine Khachatryan, Anushik Martirosyan, Alexander Safaryan

ON THE PECULIARITIES OF TEACHING TERMS FORMED
WITH PREPOSITIONS ÜZERE AND DİYE OF THE TURKISH
LANGUAGE AND THEIR COLLOCATIONS
IN THE ARMENIAN LANGUAGE.....95-109

Samvel Ramazyan
NEWLY DISCOVERED ARMENIAN PERSONAGES IN
THE TURKISH VERSIONS OF THE EPIC “KOROGLU” 110-116

Tamara Aghamalyan
IDEOLOGICAL BASIS OF THE REPUBLICAN PEASANTS’
NATION PARTY 1965-1969 117-131

Albina Muradyan
PUBLIC PERCEPTIONS AND MANIFESTATIONS OF RELIGIOUS
AND TRADITIONAL BELIEFS DURING
THE CORONAVIRUS PANDEMIC IN TURKEY 132-152

Iranian Studies

Arpine Arushanyan
THE IDEA OF THE TRANSMIGRATION OF SOULS
IN EXTREME SHIA SECTS 153-167

Liana Petrosyan
HUMAN RIGHTS AND FREEDOM OF SPEECH IN IRI DURING
M. AHMADINEJAD'S PRESIDENCY (2005-2013) 168-182

Zhanna Vardanyan
IRAN'S POSITION DURING AND AFTER
THE THIRD ARTSAKH WAR 183-195

Ashkhen Hovsepyan
ARMENIAN-INDIAN RELATIONS. HISTORICAL
OVERVIEW 196-204

BOOK REVIEW

Artyom Tonoyan
Hovhannes Khorikyan, The Administrative Divisions of Achaemenid
Iran, “Eldorado” publisher, RA, Gyumri, 2021, 456 p: 205-211

Վահե Հակոբյան¹
Հայկ Քոչարյան²
Տաթևիկ Մկրտչյան³

**ԹՎԻԹԵՐԻ ԱՐԱԲԱԼԵԶՈՒ ՏԻՐՈՒՅԹՈՒՄ 2020Թ. ԱՐՑԱԽՅԱՆ
ՊԱՏԵՐԱԶՄԻ ԵՎ ԴՐԱՆ ՀԱԶՈՐԴԱԾ ԺԱՄԱՆԱԿԱՇՐՁԱՆԻ
ՀԻՄՆԱԿԱՆ ԴԻՍԿՈՒՐՄՆԵՐԻ ՔՆՆԱՐԿՈՒՄ (2020-2021ԹԹ.)⁴**

Բանալի բառեր՝ Արցախյան պատերազմ, 44-օրյա պատերազմ, արաբալեզու մեդիա, սոցցանցեր, վարձկաններ

Լեոնային Ղարաբաղի հակամարտությունն իր պատմության ողջ ընթացքում տարբեր վայրիվերումներով միշտ եղել է զանգվածային լրատվամիջոցների ուշադրության կենտրոնում, ինչպես նաև ինֆորմացիոն պատերազմի և հիբրիդային պայքարի առանցքում:

Հատկապես վերջին տասնամյակում ինչպես ամբողջ աշխարհում այնպես էլ արաբալեզու սոցցանցերի զարգացման և դրանց կարևորության բարձրացմանը զուգահեռ հանրային հաղորդակցման այս գործիքներն ընդգրկվել են Լեոնային Ղարաբաղում պատերազմի շուրջ տեղեկատվական պայքարում՝ հասարակական կարծիք ձևավորելու և դրա վրա ազդելու նպատակով:

Ակնհայտ է, որ 2020թ. Արցախյան պատերազմը կարևոր տեղեկատվական ազդակ էր ինչպես միջազգային տեղեկատվական հարթակների համար, այնպես էլ արաբալեզու

¹ ԵՊՀ արաբագիտության ամբիոնի դասախոս: Էլ. փոստ՝ vahe.hakobyan@ysu.am

² ԵՊՀ արաբագիտության ամբիոնի վարիչ: Էլ. փոստ՝ hkocharyan@ysu.am

³ ԵՊՀ արաբագիտության ամբիոնի դասախոս: Էլ. փոստ՝ tmkrtchyan@ysu.am

⁴ Հետազոտությունն իրականացվել է ՀՀ գիտության կոմիտեի ֆինանսական աջակցությամբ՝ 21T-5H223 ծածկագրով գիտական թեմայի շրջանակներում:

միջավայրում: Հետազոտության նախորդ փուլում ուսումնասիրության է ենթարկվել 2016թ. ապրիլյան ռազմական գործողությունների և մասնավորապես 2020թ. Արցախյան 44-օրյա պատերազմի ընթացքում արաբալեզու զանգվածային լրատվամիջոցներում շրջանառվող դիսկուրսները, դրանց ուղղվածությունը, նման դիսկուրսների շրջանառման պատճառները և հետևանքները⁵:

2020թ. Արցախյան պատերազմի ընթացքում ակտիվորեն, իսկ պատերազմից հետո ավելի նվազ հաճախականությամբ, սակայն շարունակվում են արաբական թվային մեդիայում և սոցցանցերում այս հակամարտության հետ կապված թեմաների արծարծումն ու քննարկումը: Կարևոր է հասկանալ, որ այն ինտենսիվությունը, որը մենք տեսնում էինք հենց պատերազմի օրերին, սկսում է ժամանակի ընթացքում նվազել և միայն ակտիվանում է որևէ նոր և անսպասելի իրադարձության կամ արտաքին այս կամ այն կարևոր դերակատար երկրի հետ տարբեր առնչությունների համատեքստում:

Հետազոտության ընթացքում մշտադիտարկման է ենթարկվել և ուսումնասիրվել արաբալեզու սոցիալական մեդիայի ամենատարածում և ընդգրկում ունեցող սոցցանցի՝ Թվիթերի՝ Արցախյան թեմաներով գրառումներ հրապարակող օգտահաշիվների՝ անհատների, քաղաքական գործիչների, մուսուլմանական այս կամ այն համայնքը ներկայացնող գործիչների գործունեության բովանդակությունը, որոնք ունեն առնվազն մի քանի հազար հետևորդ և դիտում: Թեմատիկ և բովանդակային վերլուծություն միջոցով վեր են հանվել առկա դիսկուրսները:

⁵ Տես Մկրտչյան Ս., Հովհաննիսյան Մ., Լեռնային Ղարաբաղի հակամարտության լուսաբանումը արաբալեզու տեղեկատվական կայքերում պատերազմական փուլերում (2016, 2020 թթ.). դիսկուրսների վերհանում, Արևելագիտության հարցեր, հ. 21, Երևան, 2022, էջ 31-49:

Ուսումնասիրությունն իրականացվել է մեղիա մոնիթորինգի միջոցով դիսկուրս անալիզի և/կամ թեմատիկ վերլուծության մեթոդաբանության կիրառմամբ⁶:

Վերոնշյալ չափանիշների հիման վրա մշտադիտարկման արդյունքում հավաքագրել ենք թվիթերյան գրառումները, դասակարգել, դիտարկել դրանց ժամանակագրությունը և բովանդակային բեռնվազքները: Այս հոդվածում կներկայացնենք թվիթերյան հրապարակումների վերլուծության արդյունքում դուրս բերված արաբալեզու հիմնական դիսկուրսները, որոնք առնչվում են Լեռնային Ղարաբաղի հակամարտությանը, պատերազմին, և ընդհանուր առմամբ նաև հայ-ադրբեջանական հարաբերությունների համատեքստին՝ փորձելով ներկայացնել դրանք ժամանակագրորեն:

Հենց պատերազմի առաջին օրերին մի քանի ստորև բերված թվիթերյան գրառումները ներկայացնում են, թե ինչպես է ընկալվում այս հակամարտությունը և, որոնք են դրա առաջացման պատճառները:

«Երբ 1980-ականներին Խորհրդային Միությունը սկսեց թուլանալ, արցախցիները փողոցներում բողոքի ցույց էին անում Ադրբեջանից անկախանալու և Հայաստանի հետ միանալու համար: Սա չբավարարեց Ադրբեջանին և հանգեցրեց երկու երկրների միջև պատերազմի բռնկմանը, և ադրբեջանական ազրեսիան առ այսօր սպառնում է Արցախի ժողովրդին»⁷:

«Լեռնային Ղարաբաղի պատերազմը Բոսնիա և Հերցեգովինայի պատերազմի վերարտադրությունն է: Կրոնի և

⁶ Հետազոտության հաջորդ փուլերում նախատեսվում է նյութերի հավաքագրման և վերլուծության համար օգտագործել Nvivo ծրագիրը, որն ավելի լայն հնարավորություններ է ընձեռում մեծաթիվ և տարբեր տեսակի նյութերի վերլուծություններ իրականացնել թե՛ բովանդակության քանակական և որակական գործիքակազմերի կիրառմամբ:

⁷ عبدالله المنصوري, [@almansoori], (2020, Sep 27), Tweet, Twitter, <https://twitter.com/almansoori/status/1310168311032950784>

ազգայնականության գործոնները մայր ֆեդերացիաների փլուզումից հետո, Հարավսլավիայի Դաշնության անկումից հետո բռնկվեց բոսնիական պատերազմը, իսկ Ռուսաստանի Դաշնության անկումից հետո՝ Ղարաբաղյան պատերազմը: Ժողովուրդների էթնիկ, կրոնական, լեզվական անկախությունից փախուստ չկա, իսկ պատերազմի ելքը վճռված է»⁸:

Վերոնշյալ թվիթերյան գրառումները ցույց են տալիս, որ հակամարտության առաջացման պատճառների շուրջ կա հետևյալ ընկալումը. այս հակամարտությունն առաջացել է ազգային ինքնագիտակցության վերելքի պայմաններում հանուն էթնիկ, կրոնական և լեզվական հիմքերով ինքնորոշման և անկախության, որն էլ տեղի էր ունենում ԽՍՀՄ-ի փլուզման շրջանում:

Իսկ հաջորդ թվիթը վկայում է այն մասին, որ Թուրքիայի ցեղասպան և էթնիկ զտումների քաղաքականության արժանի հետևորդ/ժառագորդ են անվանում Արդրեջանին այս անգամ Արցախյան էթնիկ հայերի նկատմամբ վարվող հակամարտության համատեքստում:

«Ադրբեջանը ոչ միայն դեմ է արտահայտվել Արցախի տարածքում մեծամասնություն ունեցող հայ բնակչության ինքնորոշման իրավունքին, այլև հակամարտությունը վերածել է էթնիկ զտումների պատերազմի՝ նպատակ ունենալով փոխել տարածաշրջանի ժողովրդագրությունը, ինչպես իր դաժան պաշտպան Թուրքիան է կատարում պատմության ողջ ընթացքում»⁹:

Թվիթերյան գրառումների հաջորդ խումբն առանձնացրել ենք ըստ օգտատերերի վերաբերմունքի Արցախյան հակամարտության երկու կողմերից որևէ մեկին:

⁸ sameh_asker, [sameh_asker@], (2020, Oct 1), Tweet, Twitter, https://twitter.com/sameh_asker/status/1311434100742467585

⁹ Jourin Keelo, [@JourinKeelo], (2020, Sep 27), Tweet, Twitter, <https://twitter.com/JourinKeelo/status/1310283923646226433>

«Իսրայելն ու Թուրքիան սատարում են Ադրբեջանին, իսկ ԱՄԷ-ն ու՛մ հետ է: Իսրայելի մեղսակցությունը ադրբեջանական պատերազմին պայմանավորված է արցախահայության դեմ օգտագործված զենքի վաճառքով, որը հակասում է ԵԱՀԿ սահմանած արգելքին, հարց է ծագում. ո՞րն է Իսրայելի շահը հրադադարի ամենամեծ խախտման մեջ հանդես գալ Թուրքիայի կողմից»¹⁰:

«Արաբ ազգայնական եղբայրներին. կա՛մ ԼՂ պատերազմը ձեզ չի վերաբերում, որովհետև դրա երկու կողմերն արաբներ չեն, կա՛մ մի զլացեք աջակցել մուսուլման թուրքերին՝ հայերին սատարելու հետ զուգընթաց»¹¹:

Վերոնշյալ գրառումները վեր են հանում մի քանի հետաքրքրական դիսկուրսներ: Նախ քննարկվում է այս պատերազմում Ադրբեջանին Թուրքիայի անմիջական աջակցության հարցը, Իսրայելի կողմից Ադրբեջանին զենքի լայնածավալ վաճառքները և այս հարցում կարծես թուրք-խորհրդայնական գործողությունների փոխշահավետությունը: Այս համատեքստում է, որ հարց է ուղղվում ԱՄԷ-ին, թե նա այս հակամարտության կողմերից ու՛մ է պաշտպանելու: Հաջորդ գրառումը նույնպես քննարկում է կողմերից որևէ մեկին կամ երկուսին սատարելու հարցը այն տեսանկյունից, որ եթե հակամարտության երկու կողմերում էլ արաբներ չեն, ապա մի տեսակ անհասկացվածության և որոշակի բողոքի ձայն է բարձրացվում մուսուլման արաբների կողմից քրիստոնյա հայերին սատարելու և մուսուլման ադրբեջանցիներին չաջակցելու համատեքստում:

¹⁰ ياسر أبو هلاله [@abuhilalah], (2020, Oct. 5), Tweet, Twitter, , <https://twitter.com/abuhilalah/status/1313083915062718465>

¹¹ محمد المختار الخليل [Mohdelmoctar@], (2020, OCT 7), Tweet, Twitter, <https://twitter.com/Mohdelmoctar/status/1313586457509011463>

Այս թեմայի շարունակություն կարելի է դիտարկել նաև Թուրքիայի և Իսրայելի անմիջական աջակցությունը Ադրբեջանին 44 օրյա պատերազմում հաջողության հասնելու համար: Միևնույն ժամանակ դրանք նաև Իրանի դեմ գործողությունների տեսանկյունից են ներկայացվում:

«Ե՛վ Իսրայելը, և՛ Թուրքիան աջակցել են Ադրբեջանի նախագահ Իլհամ Ալիևի կառավարությանը 2020 թվականին Հայաստանի դեմ Լեռնային Ղարաբաղի պատերազմում, որն ավարտվել է հայկական ուժերի հանձնմամբ»¹²:

Արաբական սոցիալական մեդիայում հաջորդ կարևոր թեմաներից է հակամարտության մեջ և մասնավորապես պատերազմական գործողություններում թուրք-ադրբեջանական համատեղ քայլերի և քաղաքականությունների մշակման և վարման դիսկուրսը:

«Արդյո՞ք Թուրքիային հաջողվել է հաղթահարել #Չինաստանի ազդեցությունն #Ադրբեջանում՝ դառնալով աճող եվրասիական տերություն: Ադրբեջանին ռազմական օգնություն տրամադրելու Թուրքիայի որոշումը Բաքվին հնարավորություն տվեց հասնելու Լեռնային Ղարաբաղի պատերազմում մեծ հաղթանակի. Հարավային Կովկասում փոխվել են աշխարհաքաղաքական կանոնները»¹³:

«Թեև Թուրքիան հրապարակավ խուսափում է Իրանի հետ վեճում Ադրբեջանին աջակցելուց, հաշվի առնելով թուրք-իրանական հարաբերությունների զգայունությունը, Անկարան մենակ չի թողնի Բաքվին: Բայց միևնույն ժամանակ նա ցանկանում է դարաբաղյան պատերազմում ունեցած իր

¹² Hoda_jannat, [@hodajannat], (2020, Dec 25), Tweet, Twitter, <https://twitter.com/hodajannat/status/1342548783226384385>

¹³ عبدالعزيز الدعيم, [AzizRashed0@], (2021, Feb 2), Tweet, Twitter

ձեռքբերումները վերածել երկարաժամկետ և կայուն ռազմավարական ազդեցության»¹⁴:

Այս թվիթերյան գրառումը կրկին անգամ վկայում է Թուրքիայի և Ադրբեջանի միասնական գործելու քաղաքականության մասին և մասնավորապես 2020թ. Լեռնային Ղարաբաղի դեմ սանձազերծած պատերազմում, ինչպես նաև ցույց է տալիս Թուրքիայի հավակնությունները և սպասելիքները այդ պատերազմի հաղթանակից հետո: Փորձում են այդ հաղթանակի ձեռքբերումները ամրագրել որպես իրենց ռազմավարական ազդեցության մեծացման համար: Սա կրկին վկայում է, որ ինչպես այլ շրջանակներ, այնպես էլ արաբական միջավայրում կա այն մոտեցումը, որ Թուրքիան անմիջականորեն մասնակցել է այդ գործողություններին և մեծապես ազդել պատերազմի նման ելքի վրա, ինչը բնական է դարձնում ձեռքբերումները սեփական շահերին սպասարկեցնելու նրանց նկրտումները: Վերոշարադրյալ գրառման հաջորդ կոմպոնենտը թուրք-իրանական հարաբերությունների դաշտում է, որտեղ ակնհայտ է դառնում, որ Իրան-Ադրբեջան հարաբերությունների սրման պարագայում Թուրքիան հաստատ միայնակ չի թողնի Ադրբեջանին, ինչպես նաև Ադրբեջանը այդ հարցում կարող է ակնկալել այլ դաշնակիցների և Իրանի ոխերիմ թշնամիների աջակցությունը:

Հաջորդ թվիթն էլ անդրադառնում է Թուրքիայի կողմից Ադրբեջանի գործողությունների վրա ունեցած ազդեցություններին կամ այս, կամ այն հարցում թուրքական կողմից ճնշումների վկայության մասին, սակայն ակնհայտ է, որ նման փոխադարձ ճնշման առիթները և հնարավորությունները կարող են երկուստեք լինել:

¹⁴ محمود علوش - Mahmoud Allouch, [@allouch88], 2021, Oct 10, Tweet, Twitter, <https://twitter.com/mahmoudallouch/status/1447215610472144897>

«Ադրբեջանի նախագահ Իլհամ Ալիևը բացել է դարաբաղյան վերջին պատերազմում զոհված հայ զինվորների սաղավարտների ցուցահանդեսը: Նրա վրա բազմաթիվ թուրքեր են ձնշում գործադրել դրա համար: Միասին հիշենք #Հայաստանում հայի ոտքերի տակ ընկած Թալեաթ փաշայի կտրված գլխի արձանը...»¹⁵

Հաջորդ կարևոր թեման, որը լայնորեն շրջանառվում է արաբալեզու թվիթեր սոցիալական հարթակում Ադրբեջանի և Հայաստանի կողմից օգտագործված զենքերի տեսակների, դրանց արտադրության երկրների, որակների և արդյունավետության քննարկումն է: Ստորև փորձել ենք ներկայացնել դրանցից մի քանիսը, որոնք առնչվում են այդ թեմաներին:

«Պուտինի գաղտնի հակաբայրաքտար լազերային զենքը խափանվել է. Դա առաջացրել է Պուտինի խիստ զայրույթը, հատկապես դարաբաղա-ադրբեջանական պատերազմում նրա զենքի սարսափելի ձախողումից հետո»¹⁶:

Սա շատ կարևոր է հատկապես, եթե հիշենք, թե ինչպիսի քննարկումներ էին ընթանում դեռ պատերազմի ընթացքում և պատերազմի ավարտից անմիջապես հետո հատկապես թուրքական զենքի առավելության և այս պատերազմում դրանց ինտենսիվ կիրառության, և այդ զենքը որպես Ադրբեջանի հաղթանակի հիմնական գրավական ներկայացնելու շուրջ: Ստորև բերվող թվիթը շատ պատկերավոր է նկարագրում Ադրբեջանական պաշտոնական հեռուստաընկերության ցուցադրված տեսաձայնային հաղորդումը՝

«Հիշենք, այն տեսարանները, երբ Ադրբեջանի մայրաքաղաքում Թուրքիայի նախագահ Էրդողանի մասնակցությամբ անցկացված զորահանդեսին ցուցադրվում էին

¹⁵ Ela Kravan, [@ela_kravan], (2021, Apr 13), Tweet, Twitter, https://twitter.com/ela_kravan/status/1381954381600411651

¹⁶ صالح الحمد أبو عامر [@saleeh_al_hamad], (2021, Jan 2), Tweet, Twitter https://twitter.com/saleeh_al_hamad/status/1345112366783090688

Անկարայից Բաքվի կողմից գնված թուրքական անօդաչու թռչող սարքերը, որոնք մեծ դեր են ունեցել Ղարաբաղյան պատերազմի և Ադրբեջանի կողմից իր հողերի վերականգնման գործում: Նրա ներկայությունն ուղեկցվում էր օսմանյան մահտրանի երաժշտությամբ»:¹⁷

Ընդհանրապես սոցցանցերում զենքի շուրջ քննարկումները տեղի են ունենում պարբերաբար, և օրինակ ներքոշարադրյալ գրառումը վկայում է այն մասին, որ բայրաքթարների այդպիսի որակի և արդյունավետության երաշխավոր էին բազմաթիվ այլ երկրներ, որոնք տեխնոլոգիապես հնարավոր են դարձրել Բայրաքթարների արտադրությունը Թուրքիայում.

«Բոլորը գիտեն, որ թուրքական #Bayraktar անօդաչու թռչող սարքերի ուժը կայանում է կանադական #L3Harris ընկերության կողմից տրամադրվող հայտնաբերման և ուղղորդման համակարգի մեջ, առանց որի այն ավելի լավը չի լինի, քան խաղային դրոնները, սակայն #Կանադան դադարեցրել է #Թուրքիա մատակարարել այս տեխնոլոգիան՝ Ղարաբաղյան պատերազմին հաջորդած հայկական լոբբիի ճնշումներից հետո»:¹⁸

Կան նաև այնպիսի գրառումներ, որոնք ոչ միայն առավելությունների մասին են խոսում այդ զենքերի, այլ օրինակ մի գրառման մեջ, որտեղ խոսվում է պակիստանյան կործանիչների կողմից իսրայելական անօդաչուներին խփելու մասին, գրառումն ավարտվում է հետևյալ կերպ.

«Ի գիտություն՝ Ղարաբաղյան պատերազմը վերածվել է թուրք-իսրայելական մեդիա տեղեկատվության՝ զենքի կեղծ ու

¹⁷ المعزز بالله حسن , @Almoutaz_bellah, (2020, Dec 10), Tweet, Twitter, https://twitter.com/Almoutaz_bellah/status/1337064336137867264

¹⁸ For Western Sahara, @WesternSaharaQ, (2021, May 8), Tweet, Twitter, <https://twitter.com/WesternSaharaQ/status/1390761153899372545>

չափազանցված գովազդի համար, իսկ ձախողման ու կորուստների չափերի մասին չեն խոսել»¹⁹

Իրանի Իսլամական Հանրապետության դիրքավորման և հակամարտության երկու կողմերից որևէ մեկին սատարելու հարցը շատ հետաքրքրական կերպով է արծարծվում արաբալեզու թվիթերյան գրառումներում: Նախ քննարկվում է, որ Իրանը սկզբից եղել է Հայաստանին սատարելու դիրքերում, սակայն, հետագայում հաշվի առնելով այն հանգամանքը, որ եթե Ադրբեջանը մասնավորապես Թուրքիայի աջակցության միջոցով հաղթանակ տոնի, ապա Իրանը պետք է շատ ավելի ջանքեր թափի Հարավային Կովկասում իր դիրքերը պահելու, միևնույն ժամանակ Ադրբեջանի կողմից իբրև Արևմտյան Ադրբեջանի շուրջ լարվածությունների հնարավոր առաջացման և դա որպես խաղաքարտ օգտագործելու դեմը Իրանը պետք է առնվազն դիմագրավել կարողանա, եթե չասենք, որ այդ իրադարձություններին կարող է ավելի լայնածավալ գործողություններ հետևել:

«Թեհրանը օրեր առաջ, Ղարաբաղյան պատերազմի սկզբում, կանգնած էր հայերի կողքին, բայց Իրանը զգաց այս սխալը և սկսեց փոխել կողմնացույցը՝ վախենալով կորցնել իր ազդեցությունը Հարավային Կովկասում և Իրանի ներսում ադրբեջանցիների նկատմամբ՝ Ադրբեջանի տարած հաղթանակի հետևանքներից»:²⁰

“Այաթոլլահ Խամենեյի դիրքորոշումները Լեռնային Ղարաբաղի պատերազմի վերաբերյալ.

¹⁹ أحمد عايض , [@ahmedayed2000@], (2021, Jul 11), Tweet, Twitter, <https://twitter.com/ahmedayed2000/status/1414169048506589188>

²⁰ نورس للدراسات / NORS, [@NorsForStudies], (2020, Oct 8), Tweet, Twitter, <https://twitter.com/NorsForStudies/status/1314205987528601602>

- *Լեռնային Ղարաբաղը ոչ մի երկրի, այդ թվում՝ Ռուսաստանի կողմից ճանաչված չէ որպես հայկական»²¹*

Կարևոր քննարկումներ են ծավալվում նաև այս հակամարտության հիմքում կրոնական գործոնի դերակատարության, ինչպես նաև կրոնական պատերազմ լինելու շուրջ: Ադրբեջանական կողմը ջանքեր չի խնայում, որպեսզի կարողանա օգտագործել այս հակամարտության կրոնական ասպեկտը՝ դրանով իսկ ապահովելով առնվազն մուսուլմանական երկրների համերաշխությունը Ադրբեջանի հետ: Որոշակի դեպքերում բնական է, որ այն տալիս է իր պտուղները, սակայն կարևոր է հասկանալ, որ համամուսուլմանական կոնսոլիդացիայի համար նախ Ադրբեջանը պետք է լինի մուսուլմանական շարիաթով ապրող երկիր, մյուս կարևոր հանգամանքը պետք է առնվազն լինի աշխարհի մուսուլմանների մեծամասնության դավանանքի՝ սուննիական իսլամի քարոզիչ և զարգացնող, միննույն ժամանակ նրան առավել բարդ լույսի ներքո է ներկայացնում իր շիայական բնակչության առկայությունը և նրանց նկատմամբ իր ճնշումների քաղաքականությունը, ինչը թերևս կարող է կոնսոլիդացնող լինել համասուննիական համատեքստում և շատ ապակայունացնող հանգամանք շիայական շրջանակների համար:

Ընդհանրապես իսլամական աշխարհի՝ աշխարհիկ կամ կրոնական պետության օրինակ լինելու ձգտումը երկու պետություններին՝ Թուրքիային և Իրանին դարձնում է հակընդդեմ քաղաքական մոդելների պայքարի առաջամարտիկներ ու

²¹ عباس محمد الزين, [AbbasAlzein@], (2020, Nov 3), Tweet, Twitter, <https://twitter.com/AbbasAlzein/status/1323598897311289344>

որոշակիորեն ստվերում տնտեսության ոլորտում ունեցած սերտ համագործակցությունը²²:

Իրանական արտաքին և անվտանգային քաղաքականության ռազմավարական վտանգներից է նաև սիրիացի զինյալների հայտնվելը անմիջականորեն իրենց սահմաններին մոտ: Հարավային Կովկասում զինյալների հայտնվելը և՛ Իրանի, և՛ ինչ-որ առումով նաև Ռուսաստանի համար թերևս անվտանգության կարևոր մի հանգրվանից՝ այն է իրենց սահմաններից նրանց հեռու պահելուց զրկվելն է: Մինևույն ժամանակ ակնհայտ է, որ Ղարաբաղում ահաբեկչական խմբավորումների առկայությունը միշտ կարող է հակամարտությունն ընդլայնելու պատճառ դառնալ:

Ստորև բերված թվիթում քննարկվում է Իրանի և այլ քրիստոնյա պետությունների աջակցությունը քրիստոնյա Հայաստանին, այլ ոչ թե շիայական Ադրբեջանին, որն էլ այս պարագայում սուննիական իսլամ դավանող Թուրքիայի աջակցությունն է վայելում:

*«Քրիստոնյա Հայաստանը Ռուսաստանի, Իրանի, Ֆրանսիայի և Հունաստանի աջակցությամբ ռազմական հանցագործություններ է իրականացնում Թուրքիայի կողմից աջակցություն ստացող՝ շիա Ադրբեջանին հարող օկուպացված Լեռնային Ղարաբաղի տարածաշրջանում խաղաղ բնակիչների նկատմամբ»:*²³

Թվիթերյան գրառումների մեջ առանձնացրել ենք ևս երկու թեմա, մեկը վերաբերում է արաբական երկրներից Հայաստան ժամանած ազգությամբ հայերի մասնակցությանը այս

²² Hill, F. (2003). Seismic shifts in Eurasia: The changing relationship between Turkey and Russia and its implications for the South Caucasus. Southeast European and Black Sea Studies, 3(3), 55–75. doi:10.1080/14683850412331321648, p. 60

²³ عبدالله الشايحي [@docshayji], (2020, Oct 17), Tweet, Twitter, <https://twitter.com/docshayji/status/1317236568776712195>

պատերազմի ընթացքում և դրանց տարբերությունը Միրիայից դեպի Ադրբեջան ժամանած վարձկաններից, իսկ երկրորդն էլ վերաբերում է Հայաստանի Հանրապետության ներքին որոշումներին՝ վարձկաններին դատապարտելու և նաև Թուրքիայից ապրանք չներմուծելու ՀՀ կառավարության որոշմանը: Սրանք վկայող թվիթերյան գրառումները ստորև՝

«Հալեպը սգում է իր երեք գավակներին, ովքեր իրենց կյանքը տվել են հանուն հայրենիքի՝ Հայաստանի համար, արցախյան պատերազմի ժամանակ: Նրանք չեն գնացել որպես վարձկաններ, ինչպես սիրիական ընդդիմադիր խմբակցությունները, այլ ավելի շուտ ետ մղելու նեոսամանիզմի էքսպանսիան: Նահատակները Հայ հեղափոխական դաշինքի անդամներ են (Դաշնակ)»:²⁴

Այս թվիթերյան գրառման թեման մի քանի տեսանկյունից է կարևոր, նախ տվյալ հասարակություններում հայկական համայնքի՝ որպես տվյալ երկրի հասարակության լիակատար անդամների ընկալման հարցը, ինչպես նաև ընկալումը, որ նրանք վարձկաններ չեն: Այլ հակառակը դրա հիմքում նաև դրվում է նրանց այդ պայքարին մասնակցելու գաղափարական հենքը՝ այն է՝ նեոսամանիզմի էքսպանսիային դիմագրավելը:

«#Երևանի դատարանը ահաբեկչության մեղադրանքներով ցմահ ազատազրկման է դատապարտել Ադրբեջանում Արցախյան պատերազմում Թուրքիայի համար կոմսո Վարձկաններ Միհրաբ Մուհամմադ ալ-Շախիրիին և Յուսեֆ ալ-Աբեդ ալ-Հաջիին: Նրանք ձերբակալվել են Ջեյշ ալ-Հուռի այլ զինյալների հետ միասին: Միրիայի տականքներն աշխարհի բանտերում են..!»:²⁵

Վերոնշյալ թվիթերյան գրառումը մի կողմից հստակ ցույց է տալիս, որ Միրիայից Թուրքիայի միջոցով զինյալ-վարձկաններ են

²⁴ Sargon Hadaya, [@SargonHadaya], (2020. Nov 15), Tweet Twitter, <https://twitter.com/SargonHadaya/status/1327968634250072064>

²⁵ فارس الشهابي, [@ShehabiFares], (2021, May 5), Tweet Twitter, <https://twitter.com/khalediskef/status/1389730167564771330>

տեղափոխվել Լեռնային Ղարաբաղում կովելու համար, մյուս կողմից բացասական վերաբերմունք է արտահայտվում նրանց նկատմամբ:

«Հայաստանն արգելում է թուրքական ապրանքների ներմուծումը 2021 թվականի սկզբից մինչև 6 ամսով՝ ի պատասխան Ղարաբաղյան պատերազմում Ադրբեջանին Թուրքիայի կողմից ցուցաբերվող աջակցության: Թուրքական արտահանման ծավալը Հայաստան անցյալ տարի կազմել է 268,1 մլն դոլար»:²⁶

Թվիթերյան շրջանակները փաստորեն արձագանքում են նաև Հայաստանի կողմից Թուրքիայից տնտեսական սահմանափակումների թեմաներին պատերազմական գործողություններին զուգահեռ:

Ամփոփելով արաբալեզու թվիթերյան թեմատիկ ուղղությունները՝ կարելի է առանցվացնել հետևյալ թեմանները.

- հակամարտության ծագումը և պատճառները,
- ադրբեջանական ցեղասպան քաղաքականությունը արցախահայության և հայերի նկատմամբ,
- հակամարտության կողմերին՝ Հայաստանին և Ադրբեջանին սատարող երկրները, դրանց մոտիվացիաները, ակնկալիքները, քաղաքական հաշվարկները, մասնավորապես Իսրայելի և Թուրքիայի աջակցության դերը պատերազմի ելքի համար,
- իսրայելական և մասնավորապես թուրքական զենքի ազդեցության և «անփոխարինելիության» ներկայացումները,
- Իրանի և աշխարհաքաղաքական ու տարածաշրջանային փոփոխություններում իր դերի և տեղի համար պայքարի համատեքստը,

²⁶ زاور شوج, [ZawarShawaj@], (2020, Oct 16), Tweet, Twitter, <https://twitter.com/ZawarShawaj/status/1317036772954677253>

- թուրք-ադրբեջանական համագործակցությունը, դրանում միմյանց շահերի պարբերաբար առաջնդման քաղաքականությունը,
- Թուրքիայի կողմից վարձկանների ներգրավման հարցը այս պատերազմում,
- որոշակի ներհայաստանյան իրադարձությունների ներկայացում հակամարտությանն առնչվող այս կամ այն թեմաներով:

DISCUSSION OF THE MAIN DISCOURSES OF THE 2020 44-DAY ARTSAKH WAR AND THE SUBSEQUENT PERIOD IN THE ARABIC-LANGUAGE TWITTER (2020-2021).

Vahe Hakobyan, Hayk Kocharyan, Tatevik Mkrtchyan
(Summary)

Throughout its history, the Nagorno-Karabakh conflict with its ups and downs has always been at the center of mass media's attention, as well as the most important axis of information and hybrid wars.

Especially in the last decade, parallel to the development of Arabic-language social networks and their increasing importance, these tools of public communication have been included in the information war surrounding the Nagorno-Karabakh issue to shape and influence public opinion.

During this study, the 2020 Nagorno Karabagh war and its afterwards period related content of the activities of individuals, politicians, and figures representing the different Muslim communities, who have several thousand Twitter followers and views were analyzed. The existing discourses were revealed through thematic and content analysis.